

Keuntungan MSM Malaysia RM280.76 juta

Keuntungan bersih MSM Malaysia Holdings Bhd meningkat sembilan peratus kepada RM280.76 juta bagi tahun kewangan berakhir 31 Disember 2015, berbanding RM257.01 juta pada tahun sebelumnya.

Pendapatannya meningkat kepada RM2.307 bilion berbanding RM2.281 bilion.

Pada suku keempat berakhir 31 Disember 2015, untung bersih pengeluar gula halus terbesar Malaysia itu adalah RM66.73 juta, lebih rendah berbanding RM74.96 juta yang dicatatkan pada suku yang sama tahun sebelumnya. Ia didorong pembayaran cukai dan zakat yang tinggi.

Pendapatan pada suku dikaji, bagaimanapun, meningkat 5.7 peratus kepada RM663.97 juta berbanding RM628.07 juta.

Dalam satu kenyataan kepada Bursa Malaysia, MSM Malaysia menyatakan peningkatan untung bersih bagi tahun kewangan berakhir 31 Disember 2015 disumbangkan oleh kos gula mentah yang rendah dan peningkatan daripada komoditi gula dan kontrak tukaran asing berjumlah RM25.77 juta berbanding kerugian RM4.35 juta tahun sebelumnya.

Menurutnya, jualan yang tinggi sebanyak 34 peratus dalam segmen industri meskipun pengurangan tan jualan di pasaran domestik dan eksport yang masing-masing sebanyak 12 peratus dan lapan peratus membantu pendapatannya meningkat.